



## Yel-soalem be ne sid-kõt yellã, ad a yellã fãa gill yaa sõma, la yẽ me ned ka tõe n paam-a tı sã n ka sid-kõt ye

Yii a Suhayb nengẽ (Wënd yard be a yĩnga) a yeelame: Wënd Tën-tuumã, (Wënd puusg la A tulgr be a yĩnga) yeelame: «Yel-soalem be ne sid-kõt yellã, ad a yellã fãa gill yaa sõma, la yẽ me ned ka tõe n paam-a tı sã n ka sid-kõt ye, sõmã sã n paam-a a puusda barka tı rënda yı sõma ne-a, la wëng sã n paam-a, a maanda sugri tı rënda yı sõma ne-a».

[Naşun Şahuhun (Gom-sikdem sën manege)] [A Muslim n togs-a]

Nabiyaamã (Wënd puusg la A tulgr be a yĩnga) maanda yel-solemd tı sid-kõt yellã la a halhaal-rãmbã, b sën yaa sõmã yĩnga, la rënda yaa t'a halhaalã fãa yaa sõma, la ned ka tõe n tall rënda, sã n ka sid-kõta; yel-noog sã n paam-a a puusda Wënd barka, n paam keoor ne a sën puus Wënd barkã, la yel-toog sã n paam-a a maanda sugr la a tẽ keoor Wënd nengẽ, n leb n paam yel-sõmd ne a sën maan sugrã, rënd a bee keoor paoong pugẽ halhaal fãa gilli.

<https://sunnah.global/hadeeth/mos/show/3298>

